


大陀羅尼末法中

一字心咒經

百九十五
絲九

48720



元祿九年丙子二月日重脩

皇圖 聖圖 帝階 殿昌

佛日 增輝 懋輪 崇轉

山城州天安寺法金剛院置



大陀羅尼末法中一字心咒經九

唐北印土迦濕密羅國三藏

寶思惟譯



然

如是我聞一時佛在淨居天宮不可思議種種
種莊嚴一切菩薩衆會中住及諸天龍藥叉
健達縛阿素洛等星宿天仙皆是十地菩薩
方便化現在於此會爾時世尊坐蓮花藏界
觀察大衆諸天仙等爲欲利益後末世時一
切衆生故入於一切如來最上大轉輪王頂
三昧即於眉間放一大光其光普遍十方世
界一切佛刹其中衆生遇斯光者靡不歡悅
其光遍已還至佛所圍遶三帛入如來頂當
入之時復現種種莊嚴之相其光之內忽有

聲曰我是大轉輪王一字之呪無量天仙恭
敬圍遶尔時光中復出聲曰告釋迦如來我
是一切如來智慧轉輪王一字心呪於一切
過現未來一切諸佛我是最上秘密心呪寶
蓋佛娑羅樹王佛無量光佛無勝佛妙眼佛
妙幢佛花王佛彼等諸佛普皆已說一切過
去無量諸佛亦皆隨喜汝今當為未來衆生
敷演斯呪令諸衆生獲大利益

尔時世尊見聞斯已告諸大衆汝等當知云
何名為一字轉輪王呪即說呪曰

𣵀

此是梵本一字之呪

部聲上林

去聲

此是唐音彈舌呼之

尔時釋迦牟尼佛復告諸天仙衆汝等諦聽
妙吉祥童子此陀羅尼我今欲說曼陀羅法
及念誦法設火食法速令成就若有人能持
此陀羅尼最勝妙法若不知吉祥之日及諸
星等汝諸天神勿為障礙若有能行我教法
者汝等天衆護持是人一切鬼神及諸毒惡
毗那夜迦等亦當守護不得損害方便護念
於十力教中令生信解說是語已即入三摩
地所謂一切如來頂生三昧除諸有情不善
業故尔時世尊入彼三摩地已十方諸佛觀
察如來在清淨天宮一一皆來集會各請釋

迦牟尼佛說呪而說頌曰

佛說大威德

為利諸有情

能成一切呪

願者皆滿足

一切佛已說

此呪王威德

能於諸呪中

一字為尊上

頂生大威德

其力難思議

善除諸妖邪

退諸惡星宿

毒害母神等

及彼那夜迦

惡願諸鬼神

逼惱有情者

當來濁世中

誦持得安樂

善哉天人師

願為衆生說

尔時十方諸佛說此頌已默然而住當尔之時三千大千世界一切有情所住之處忽然之間放大火焰威光赫耀而皆不損一有情類尔時釋迦牟尼如來觀察一切清淨天宮

告諸菩薩摩訶薩及諸緣覺聲聞天仙諸大
衆言汝等諦聽即說頌曰

告諸佛子等

汝等今諦聽

我今說此呪

具足諸功德

當來惡世時

我法將欲滅

能於此時中

護持我末法

能除世間惡

毒害諸鬼神

及諸天魔人

一切諸呪法

若聞此呪名

皆悉自摧伏

我滅度之後

分布舍利已

當隱諸相好

變身為此呪

佛有二種身

真身及化身

若能供養者

福德無有異

此呪亦如是

一切諸天人

能生希有心

受持及供養

所得諸功德

如我身無異

此呪王功德

我今但略說

尔時世尊說此頌已爲諸衆會說斯輪王如
來頂髻之法能令他法速即毀壞能令自法
速得成就一切菩薩所共讚歎誦念之處於
四方面五百驛內一切惡鬼皆自馳散一切
呪師行其本法聞此呪已皆悉摧壞一切諸
天所有神通皆悉退失其持呪者欲滅他法
不滅他法由持呪者所存念處一切世間及
出世間諸持呪者及諸惡星無不摧伏
若善男子爲護大乘若爲自身若對怨敵應
以手執一把青草呪一百八遍意念彼人以
刀斬草念壞彼法即便斷壞若欲令彼前人
呪法不成就者誦呪七遍以手作拳意屬彼

人即不成就若欲令彼前人成者即開其拳
還得如故若欲作此法者先須洗浴著鮮淨
衣自法即得成就

若欲護持他人一切惡鬼皆不敢近此呪所
自護身所護他人所呼鬼神所遣鬼神所求
事業並用此呪

若持諸呪無有神驗爲誦此呪一百萬遍即
得成就所得境界若無効驗其神當即消滅
若欲天神來爲給使當取油麻酥蜜酪等和
之少取一撮一呪一遍一投火中燒之滿一百
八遍一日三時至七日內其神即來便爲使者
若欲降伏諸天取天木一百八片一一誦呪

投其火中

若欲降其神者念其名字一日三時作法至
七日內速來降伏

若欲降伏諸龍女者取酥蜜乳一日三時誦
一百八遍於火中燒至七日內即得成就

若降藥叉及藥叉女一依前法取酪飯燒之
即得成就

若欲降伏健達縛及其女者燒一切香一依
前法燒種種花一切八部女神即來降伏若
欲降伏真婆羅門取好名花及白芥子一依
前法即得如意

若欲降伏葎舍之人取酪乳酥一依前法即

得成就

若欲降伏忒達羅取酥土和一依前法

若欲降伏一切惡人及惡宿星者取酥及油
麻燒之一依前法如上說者須七日內三時
洗浴誦呪一百八遍即得成就

尔時世尊說斯語已呼文殊師利呪法中有
如上威力於後末世此法能令一切衆生受
持行用更有種種諸法我今略說說此語已
尔時世尊默然而住于時四部大衆白言世
尊唯願慈悲更說餘法未來衆生得安樂故
尔時釋迦牟尼佛復更觀察清淨王宮告妙
吉祥童子曰善聽我今略說一字轉輪王威

驗呪及畫像之法為令惡世有情少於精進
少於明慧不能受持廣畫像法者我今略說
畫像之法為欲利益有情故速得吉祥義故
若欲受持最勝法者取新白氎長一丈闊六
尺未斷縷者勿以膠為彩色其畫像師香湯
洗浴著新淨衣受持八戒當畫世尊作轉輪
王像說法之容一切世界主座下畫梵王聖金
剛菩薩佛上畫兩花鬘王子座下畫持法人
今時世尊釋迦牟尼復觀妙吉祥童子告言
諦聽妙吉祥童子一字轉輪王大威驗略說
畫像法我今說之令惡時衆生得安樂故若
欲作法者手持香爐諦觀佛面以其像面向

西方於前種種香花供養持法之人每日三
時燒沉水香面向佛像誦此神呪一百万遍
然後作法持法之人應須持戒每須喫三白
食所謂乳酪粳米不得破齋於一切衆生發
慈念心持菩薩戒此人凡所欲作功驗之事
及療一切病皆得如意常須供養一切三寶
若欲成就輪法者以鐵作輪其輪二轂於佛
像前立一方檀從月一日至十五日三時洗浴
燒沉水香誦呪至百萬遍常用諸花以爲供
養十五日已更作一壇中安其輪兩手蓋上
至心誦呪輪現火光當持法人能昇虛空於
明呪中爲其仙主若餘人見亦得騰空

若欲成就華蓋法者作新白華蓋種種金銀
寶物莊嚴內中懸一口幡手把其傘一依前法
誦呪當即火出其持法人即騰虛空皆如上說
若欲作法取白月十五日及五節日所謂月
八日十四日十五日二十三日及月盡日身
得變化十五日內必得成就若此成就者一
切諸法亦得成就得一切神通及一切佛菩
薩法此世界中作轉輪王千子圍遶

若欲作佛頂法者用金或銀或鈿或臘如一
手掌大如佛頂依如上法誦呪頂上火光即
得騰虛與一切衆生說法壽命一大劫
若欲成就如意瓶法當作一金瓶一切穀子

一切藥子及諸寶物滿其瓶中其瓶上蓋白
淨氎布臘月一日起首誦呪至一周年即得
成就於其瓶中所須之物常取不盡若其欲
得如意寶者若金若寶若水精一依前法以
布蓋上誦呪一年速得成就所求皆得若在
天中若在人間手持此寶即作轉輪王於彼
像前誦呪萬萬遍即騰虛空壽命一大劫若
欲成就金剛杵法者以紫檀為金剛杵一枚
若無紫檀鐵錐亦得以五牛物洗之五牛物
者所謂乳酥酪糞屎常以臘月十五日於其
像前清淨廣設供養然一百盞牛酥為燈又
以香湯洗金剛杵其持法人以身布施一切

諸佛菩薩於後用轉輪王呪以護其身至十
五日夜二更中以其右手執金剛杵當於像
前一心誦呪遂金剛杵現其火焰一切天仙
諸龍鬼等與其部衆咸至其所將持呪人入
明仙處冊立爲王其人身力同如金剛菩薩
若意欲往所在之處隨意無礙壽一大劫能
見弥勒菩薩說正法處若樂求生處自在如
意即得往生
若欲成就雄黃之法取好者一兩鬼星見夜
三日斷食又設衆僧食於其衆前合掌從乞
進止若衆僧許供養世尊於一切衆生發慈
悲心於其佛前然一千盞牛酥明燈持呪之

人自身施佛作法竟已乞願當取其雄黃誦
呪若熱若烟若火光出現三相已取少雄黃
點著眉間一切天龍鬼神及人非人即來奉
事其持呪人壽命千年若點額上即不現身
天神亦不能見若欲須現亦得隨意壽命三
千年若現火出即成明仙所有同伴並騰虛
空勝諸仙人壽命一劫若捨此身生覩史天
若欲成就執戟法者當用好鐵爲戟一周年
間執戟誦呪取沙作一塔於前著食施與衆
生於其塔前左手執戟加趺誦呪即出種種
光明持呪之人即騰虛空大自在天衆迎持
法人種種好花散身圍繞餘所見人皆共騰空

彼持法人能爲大王常以大自在王諸天仙
人皆來恭敬壽命一大劫若有惡心來相向
者當即墜落諸天龍鬼尚不能惡何況凡夫
若捨此身得生西方極樂世界

若欲成就死人法者取無瘡盤末損壞者將
於壇中卧其地上令面向上作四箇佉陁囉
用一色木爲椶繫其脚手持呪之人坐於心
上擣寶物爲末少少取一一誦呪內於死人
口中至於死人開口舌上吐出如意寶珠取
得其寶即於明仙間爲轉輪王隨心所願器
仗即自現來其身出現光明照得四方一百
餘驛壽命自在意若須他世界作王即能如

意捨命能生無垢世界

若欲成就第二死人法者一依上說取棗木
為槩即以鐵末二誦呪少少內於死人口中
至其出舌即割其舌共同伴亦騰虛空所願
即得壽命一小劫若於此捨命得生一贍部
洲為王

若欲成就鉤法者取茅草作一鉤如一手大
五牛物中洗之一日一夜斷食而取其鉤手
執供養金剛菩薩然百盞酥燈先誦大佛頂
悉達多鉢多囉呪以護其身後誦此呪能令成
就如前輪法若結一日光明所照之處積一
土壇即用棗木作四箇槩呪之七遍一一角

中釘著便當結得十方界於第二更中結加
跌坐一心供養彼鉤頂禮一切佛及菩薩當
取彼鉤手執此呪所有地獄受苦衆生即能
無苦持呪之人當即聞聲飛騰虛空手把此
鉤與一切明衆生王一切天龍見持呪人即
當禮拜供養壽命一大劫於彼捨命即生於
金剛地見金剛境界若欲成就像者而畫一
像當火出即騰虛空得作明仙
若欲成就別法先誦此呪十万遍一日一夜
必須斷食設大供養取遏迦木作火烏麻牛
酪酥蜜呪一千八遍少少投其火中即得成
就心所願者皆得圓滿

若欲降伏大自在天先須供養於大自在天
坐南邊作火燒烏麻等四物誦呪滿足一千
八遍自身先須潔淨防護誦呪七遍以水灑
身當時即有聲出不須恐懼大自在天當即
現身願者皆得

若欲那羅延及梵天王等成就者當作此法
即得成就先須護自身

若須喚藥义母及姊妹妻取無憂花誦念彼
名一日三時而呪其花至一百八遍火內燒
之於七日內即能得至願者皆得若母及姊
妹妻若七日內不來彼藥义頭破當降伏若
喚諸龍者當取龍華燒如上法

若欲呼喚藥义者三月内取酪飯日三時各
呪一百八遍至月盡日一日一夜當須斷食

供養佛像諸藥义等須與飲食用代吒木爲

柴

唐云多根木三
歲云廣州出

酪蘇蜜飯於内燒之意念

呼喚藥义來者其蘇酪蜜飯誦呪一千八遍

一呪一燒其食當得毗沙門諸藥义衆等速

來彼處取遏迦木花於前迎之諸藥义白當

須我等作何事耶彼即告言每日須一藥义

守我門戶所遣作事即當作之所須物者當

能成之若須乘騎即得騎之若須長年藥者

當即與之

若欲降伏金剛神者先須誦四千三十二遍

十二月一日至正月十五日須供養佛并設
三七僧齋當須發願以此供養功德迴施金
剛當夜二更時起結加趺坐於其火中燒安
悉香誦呪其香丸如梧桐子大誦時意念見
金剛神呪至三更即當雷鳴地動天雨種種
妙花金剛即來及一切天龍八部菩薩等來
共圍繞其持呪人取香湯水并花出迎恭敬
禮拜金剛當即告曰汝求何願隨乞皆得壽
命一劫若捨此身即生金剛住處

若欲成就餘明仙者亦須作此金剛之法即
當成之

若須成就佛呪法者及觀世音呪法梵天呪

法大自在天呪法及卅出世須作此法
若持餘呪不成就者即須此呪共餘呪七日
內誦之即得成就若其不成及不現驗其呪
神等即當滅亡

若於大自在天及諸天等前七日誦呪若不
現身即令頭破

若日月蝕日所須和合湯丸藥等先須預備
其日誦呪至日月明淨其藥等法速即成就
若有婦人求男女者先誦其呪一百万遍燒
沉水香供養須十二月一日起首至於十五
日於道場中供養并設三七僧齋其婦人一
日三時燒香誦呪心念發願請求男女其十

五日夜二更時取烏油麻以酥和之誦呪一
遍一迴燒之滿一百遍其夜四更當見境界
或菩薩形狀等即自知之若彼婦人心中所
念便獲其願燒香常於像前持念此呪即得
成就若求隱形取雄黃藥一小兩中之半兩
也取人乳和合以爲五丸取沉水香作合子
盛之取一九誦一千八遍及白芥子亦以五
顆誦一千八遍一一並於合內盛之須至日
月蝕日誦呪其合子內若其有聲一切衆生見此
呪人悉皆歡喜所須皆得若其出烟其持呪
人即不現身所至諸處皆爲其主壽命一小
劫若出火焰其持呪人身即端正猶如天童似

年十六與諸天神為主壽命一大劫百寶藏
門悉皆自現若欲成就牛黃之法一依雄黃
法作若欲成就眼藥法者取石安善那及青
蓮花青木香各重一錢其藥於熟銅娑羅中
安之至日月蝕時日夜誦呪烟出即以此藥
內其眼中其持呪人即得隱形與隱形人爲
其主人也
若欲成就刀法取無癩刀於二十三日或二
十九日供養其像散衆生食護淨自身右手
執刀誦呪至刀聲出當即騰空所願隨意又
若火出所同伴人得見火者並悉騰空與一
切騰空人爲主

若欲成金剛杵取好鋌鐵長十六指打作三
稜上下各作三頭摩以紫檀用塗其上從十
二月一日供養其像始從一日設四僧齋日
漸加一僧自須持呪至十二日供養僧了即
不喫食至十五日夜於舍利塔前供養圖像
然以酥燈一百八盞自坐茅草受持此呪兩
手執杵誦呪呪之其杵即便火出其持呪人
即得昇仙其同伴等亦騰空作明仙主神力
猶如金剛壽命一大劫命終已後生金剛菩
薩處更若欲求成就輪刀器仗等物一依前
法即得成就

若欲除家內諸惡者作地火爐四邊畫作蓮

花火爐內取桑木作柴并酪及酥蜜一日三
時誦呪一千八遍至三日內即得成就
若欲護一城一村於七日內燒除迦木及
酥酪蜜燒之即得成就

若欲祈雨取烏圖末羅木唐云其木似梔子燒木為
火并酥酪蜜燒之於七日內即得成就

若護一國所求如前所說取桑木燒之
若欲求長命者於十二月一日至十五日乞
淨潔食誦呪物惣滿三十万遍至月盡日二日
已前不喫食取黑牛乳一升誦呪滿得一百
八遍須以香花供養於佛其乳自服即得長
命若十日內其酥酪蜜燒之及結縷草即得

長命

若求降伏逆賊取獨頭及娑邏迴呪一千八遍令賊見聞娑邏迴聲及見獨頭即便自縛若取一切草子少少盛滿一新瓶瓮和水誦之一百八遍取其苗子及水浴身除一切諸惡不能爲害

若有人食諸毒藥者取孔雀尾誦呪十萬遍禁毒及諸惡病皆得除瘥

若一切天行熱病結索呪一百八遍繫其人項一切熱病當得除愈

若佉羅木唐云作火酪酥蜜相和燒於火中呪一百八遍一遍一燒少少燒之即得伏藏

若以紫檀剋為蓮華滿十方箇於大江河入
至霄際一一呪之放其水中依檀花數即得
金藏若以毗梨婆木唐去其木似槓櫨為火并依前
三味一一呪之滿至一千八遍即得依前無
盡金藏沉香木并依前三味燒之二十一日
內日日三時一時誦一千八遍一切諸天龍

神皆來為使者

若以粳米及酥酪蜜與火投之誦呪滿一千
八遍即得無盡百味食飲

若安悉香丸如梧子與三味和一一誦呪燒
之滿足一千八遍一切藥又來為使者

若阿輸迦花唐云無志憂花及以三味誦呪一千八

遍一一燒之一切藥又女來為使者

若燒龍花及以三味一切諸龍來為使者若
燒沉香及三味等依前誦呪一切金剛來為
使者若燒末怛那菓及以三味依前作法一
切明仙皆來為使

若沉香木為火燒酥合香呪一百八遍一切
健達縛來為使者

若燒熏陸香一切餓鬼來為使者

若尸利縛色得伽藥和沉水香燒之一切緊
捺落來為使者

若燒白膠香一切毗那夜迦來為使者誦一
百八遍若燒白芥子及白芥子油一千八遍

誦呪了已國王歡喜若一日三時至七日內作法即成就

若對日前誦呪十萬遍一切惡障皆悉消滅若誦一遍護得己身若誦二遍朋友財物皆蒙擁護

若欲得蓮華法成就者以紫檀木爲一蓮花

三日勿食左手執華於像前坐誦至其火出

當尔之時及諸同伴飛騰虛空於明仙衆爲

轉輪王於彼捨命得生西方極樂國土若取

摩羅末伽土

唐云鼯鼠土

以沙共和作金剛杵長

十二指手自執持家家乞食必定不得共於

人語誦呪十萬遍其杵上頭作孔著白芥子

至日月蝕日像前誦呪令其杵中芥子作聲
所求願者皆得成就若以杵擊山山自摧碎
凡所施爲咸得遂意若將其杵入海海水隨
意若執此杵誦持呪法一切毗那夜迦不得
障礙若入河海深水中者其水至罽取十萬
蓮花一呪一擲水中當即妙吉祥天女出
現所願皆得

若取蓮華三十萬莖誦呪依前水中放之求
廣大願皆得稱意

若取蓮花五十萬莖誦呪依前水內放之最
極廣願無有不隨

若月一日取闍提花香花似支子誦呪一百八

遍一一散擲呪像足前一日三時至十五日作此法者其像足上現出火光入持呪身當即不現共諸伴等即騰虛空於明仙衆得作轉輪王壽命一劫

若坐海岸以龍木柴爲火面向西方執龍花木誦呪十萬遍燒於火中當即海水激爲波濤騰浪涌溢當尔之時幸勿憂怖但以至誠專心誦呪水中即現真婆羅門所求皆得所遣皆作若於地上畫千葉蓮花而坐其上誦呪十萬遍其地即烈有神出現與持呪人共同伴等即騰虛空於明仙衆爲其仙王壽命一劫若十二月一日至十五日取闍提花一

一誦呪散佛頂上滿十方遍頂即出光照人
身上得五神通若其花呪滿百萬遍所願皆
得若取地上曲壇之土作一師子牛黃塗之
坐安壇中恭敬供養誦呪至於師子自動即
得成就所求皆得

若乘騎師子所願生處速得到彼命同梵天
若作象及水牛一依前法若也出聲諸至皆
成索者皆得所遣皆作

此轉輪王呪所須事者皆得成就所須物者
一依心願以淨信意作此法者無不成就
亦時世尊說斯法已復作是言我若廣說此
呪威力成就諸法窮劫無盡汝等當知要略

而說今時會中有無量無邊不可思議菩薩
摩訶薩天龍八部轉輪王等心大歡喜咸唱
善哉釋迦如來能說此事難可思議然我等
輩誓當護持此呪若見有人及以非人受持
讀誦書寫供養愛念思求者當與擁衛令無
災患若於國中見有此呪等恭敬彼國諸人
如佛無去各以神力防禦國境令惡鬼神凶
賊猛將風雨水火使不得侵損百姓熾盛國
土安寧財穀豐熟無諸飢饉疫病不祥亦令
退散今時如來讚言善哉善哉汝等實能如
是擁衛佛說經已諸菩薩衆天龍八部皆大
歡喜信受奉行

大陀羅尼末法中一字心呪經

驛音亦撮七活反筏音伐戍詩注反達詩注反鑷郎吞反鋌亭頂反

冊又責反挪那字三棱下郎登反櫛音盧槓上側反檀頂反

鼯上音焚漏二音溢二音曲下音善壇下音善

絲

鋌亭頂反

檀頂反



